

東平尉公遺稿全

Handwritten marks, possibly bleed-through from the reverse side, including a large, dark, irregular shape and a smaller mark below it.

Small handwritten mark or signature in the bottom right corner.



東平尉遺稿

詩

隆武堂賡進韻

戊寅九月

巍然隆武堂前對白雲峰晚節知寒菊貞直見霜松  
法醞才罷地宸章意更濃厚恩無以報只期不  
苟容

綾原大君遷葬挽

己巳

以下俱挽詞

孝廟哀臨若隔晨追惟往事倍傷神佳城幸得牛眠  
兆吉地重看馬鬣新為善終始能享福居家謹飭自  
持身疏榮聖澤同前後幽顯應知感泣均



綾原大君諱甫  
申卒壽五十九

元宗第二子 仁祖母弟也 丙  
孝廟臨喪有五子孫曾甚多

海寧君 伋挽 庚午

身處 王孫貴謙恭志益卑效忠曾執勒優老更陞

資謝世驚殘夢承家有令兒舊儀難再見臨挽不勝

悲

海寧 宣祖王子仁城君子也丙子扈駕南漢  
年七十 上念其老陞資兼都摠管有八子

蓬川君鄭公 之翼挽 辛未

懿矣吾宗老平生隱德持孝親純愛敬敦睦極仁慈

守拙曾無競收神得自頤分明積善報詎道理難知

又

遠邇哀前人烈方膺暮境榮百年祈永享二豎遽先嬰



宗族凋零厄餘生感愴情松楸他日路無復有逢迎

靈豐君 湜挽 壬申

元廟親孫位列尊 四朝終始有殊恩為文早得三  
冬讀盡孝能敦百行源下壽六旬如夢幻重泉千古  
悶精魂傷心病負都門哭哀挽題來淚欲痕

靈豐綾原大君側室子也階從一品能文善詩以  
孝於嫡母見稱於世

朗善君 俔挽 癸酉

昭敬王孫衍本支黑頭犀玉極崇資一心平日殫誠  
處三紀先山樹石時義篆素階兼妙絕版書碑刻遍  
公私褒榮存沒無遺憾 聖主深恩出等夷



朗善 宣祖王子仁興君長子也秩視大匡三受  
專對之 命為其先親圖不朽四十年間立碑埋  
誌刻石記版至死  
不己壽五十七

張淮陽善冲挽

德水華宗世所尊尚書餘慶屬賢孫僧虔戲鳳延佳  
譽和季潜龍有舊恩當代薦調仍官達居家孝悌素  
躬敦五年睽阻成長設俯仰傷心自淚痕

淮陽判書雲翼之孫谿谷相公之猶子仁宣大  
妃之從弟也受學於谿谷少有聲譽公卿交薦官  
至三品 孝廟以同庚之故潜邸時甚相親愛和  
季劉弘宇光武同閑同庚公壽七十五有三子

安嬪慶州李氏挽

寧次松柏望中青尚記當年詠小星 聖祖繩規躬



佩服 兩朝恩禮冠宮庭沁園同兆天如待寤宅符

祥地效靈想得重泉應有感 絲綸懇惻涕堪零

安嬪 孝宗後宮而淑寧翁主之母也 禮不替 醫問絡繹釋再度致祭別下備忘 當予恩

鄭高陽 昌徵 室內洪氏挽 甲戌

蚤受名家訓于歸相國門崩城曾泣血墮壁幾傷魂

惠渥隨丹誥榮光動壽樽沁園無限痛春盡北堂萱

洪氏 丙子節士翼漢之女鄭右相維城之冢婦子 曰寅 平尉齊賢寅平先卒公主孝事四十年榮養

備至以寅平貴推 恩封貞敬夫人

李右相 行遠 繼配韓氏挽

昔我先君子燕行相國同慣聞擊戎整歸說壺儀置



海屋籌偏永孫襦樂更融雙珠雙劔會應續九泉中

李公以賓客先君左相公以輔德陪昭顯世子  
留瀋陽故情分甚厚先君得聞夫人有婦德歸語  
於子弟輩夫人壽八十六  
二男先逝諸孫終孝

樂善君 滿挽乙亥

寧陵貴介弟 當子最尊行敬慎褒循實便蕃禮異  
常 舉哀臨鳳闕營葬錫牛岡 聖澤深如海泉臺  
白日光

趙僉知 挽丙子

世閥留前史生平只可論芳名蓮椅在遺跡 寢園  
存優老陞緋玉傳徽有子孫送終須月俸泉下亦



君恩

俞知開國功臣浚之後  
筮仕至八十陞俞知

李生必成挽

公內於吾母行為五寸親地雖相去遠書得寄來頻  
幽趣存三畝遐齡近七旬盈庭蘭玉秀天報可徵仁

我外祖考南公伯氏諱澗女壻金洽洽婿為李必  
成三子一女享年六十八

淑徽公主挽

恭惟孝顯友慈均當子敦親愛出倫玉趾

忘勞躬問疾黃門將命劑頒珎奎章志喜追前

夏寶藻興哀即此辰沁水瑕邱皆聖賜舊恩新

渥耀千春



公主 孝廟第三女也下嫁寅平尉鄭公齊賢寅平卒逝一男長而又逝公主悲哀成疾四月病甚  
六月 上聞疾少差製述喜詩手寫以賜十月卒  
上親祭文遣女官以祭之寅平葬地即高陽故郡  
顯廟所賜也

禋嬪朴氏挽 癸未

周宮早詠小星詩命婦班中一品資 賜宅無華仍

舊貫 聖朝崇儉仰弘規病來 睿念醫治際沒後

哀綸歛穉時鬱鬱青山開吉兆千秋 恩澤永昭垂

朴氏 當子後宮有子方五歲 上命名册音喧 封延齡君及題主時俾荀題

金正郎字樑挽

親愛非專戚誼存輸誠寫悃此心敦端良不得禔躬



力茫昧誰徵福善言蘭墮庭前長積恨桂生墳上始  
銷冤人間孤露身如寄撫古傷今自淚痕

正郎我外祖母男弟之孫也善文而不得題名紅  
紙有子而不得終孝有弟曰宇杭方為吏參

黃生道行挽

吾祖如親屬惟夫公一人如今又承訃戀舊倍傷神  
餘慶留雙壁遐齡近九旬東園秋色好何處覓芳塵

黃公我祖妣五寸姪也壽八十六二男四女內外  
孫十二人家有園林溪澗之勝

權判書愈挽 官禮判文衡耆社三子一女

侍衛聯班數殷勤待我親枉臨多厚意躬謝擬他辰  
嶺海初回琰湖山竟返輜文衡與宗伯冥莫隔千春



申生

碩老挽下又有一首一疑代人作

一男雖馮餘三子七衷猶稀况八旬想得護享平日

誼廣陵秋色倍傷神

申生我外祖季氏閔孟山迪哲之女婿居陽智秋溪

具進士

易相挽乙酉

恭惟

昭顯邨有女歸名族纔看玉雪兒旋失爺孃

育

孝廟憐早孤撫頂慈愛篤錫與日便蕃眷顧

恩至渥毛骨異凡兒斬然見頭角仍學舉子業擢蓮

謁長樂

東朝喜兼悲賜對話宿昔筮仕自有梯雲

路期通籍流光倏難駐一醉同玄石贈贈出內帑九

原應感激



昭顯世子長女歸具鳳章夫妻俱沒後追贈  
山副尉慶淑郡主有一子曰昂相生未久而父  
沒故孝廟特加愛憐司馬應棧日莊烈趙大  
妃引見悲喜嗜酒成疾五十二卒有三子

李同知世翊挽同知我高祖外玄孫

八表遐齡五福全蒼顏華髮地行仙名揚鈔歲登龍  
日榮耀先朝戴豸年待漏銀臺泥誥煥升班樞府  
渥恩宣脩然長逝無餘憾戚誼深來涕自漣

李守萬徵再室李氏挽丙戌

居常吾子婦歸說淑人儀姍睦家風在柔嘉壺範宜  
遐齡優食報餘慶樂含飴遽抱枯魚痛空教弔鶴悲

金積城壽徵挽退慶文谷兩公庶弟



昔拜退憂公亟稱吾弟賢在家分常守在官心累虔  
余管司導寺君時備郎負因官始識面相國言誠然  
日余往松楸重逢嶺海邊別來今幾時霜髮已滿顛  
阻音纔隔歲幽聞忽來傳懷曩倍悽惻流光同逝川  
元兵使德微挽

有繼榮高爵無頽謹約聲方將壯鎖鑰遽忽缺干城  
禁直同陪衛遼行見送迎城西哭歸櫬人事獨傷情

元令之父相為平安兵使統制使元令繼為此職  
不墜廉約之聲余乙酉赴燕丙戌春返命元令  
在平安兵營送迎未幾卒

李淳昌遇輝挽丁亥



同里同庚誼過從數十年每欽筋力健爭道子孫賢  
餘慶他時在遺芬幾邑傳存亡垂老感臨挽一潛然

李淳昌李右相濡李父也家壽進坊與余門巷相對又同戊子生有四子五孫

趙海州持恒挽浦渚翼孫

兩祖曾同榻追惟舊誼敦襟期開款曲牘問荷頻繁  
天報看年爵家聲托子孫存亡獨有感臨挽淚成痕

徐判書文裕挽

兩家同閉自先人轉覺交情世世親班長春曹追曳  
履憲府烏府想垂紳卿銜正喜膺餘慶壽筭美還嗟欠  
六旬白首相公空撫輓四隣嗚咽亦沾巾



判書達城尉之孫判書大人與我先君交誼不泯  
判書享年五十七有二男宗玉宗璧

黃生 鐫挽 戊子

永春公我外先祖騎省承徽舊業傳堪惜二郎終不

祿無兒無命又無年

永春公諱琇余祖妣之祖考  
鐫即永春公四代孫也

吳抱川斗歲挽

同庚兩家誼世好自相親孤露悲何極遺風喜相遵

京司威猾吏畿邑惠饑民往跡成春夢題詞自濕巾

吳君知事翻次子也知事公與我先君同壬寅生  
故吾家兄弟尊敬之抱川壬午生壽六十七

又一首疑為代人所作

昔子先君子與吾家大人生同壬寅歲自少情相親



兩世交不替悲歡雙鬢銀喜公承舊業餘慶在貳身  
隸院束搢吏畿邑賑饑民幽聞來何遽往來跡已陳  
倏忽人間世流光餘六旬居遠失躬吊臨挽自沾巾

鄭僉知行百挽辛卯

壽福人間世如公更有誰推恩三品職傳業四男

兒美政桐鄉在閒情栗里追吾宗諸老逝臨挽涕沾

頤

僉知故大司諫之虎子翼惠公七代孫於吾為十  
四寸兄歷內外職八十陞堂上卒生四男三女

黃水使震文挽壬辰

外寄專戎閫中調直禁廬衰年神尚旺妙射發無虛  
却謝卿班祿長歸野老居榮名善終始似讀古人書



瀛昌君 汎挽

眷遇超公族勤勞守 國陵榮光諸子貴福祿暮年

增七耄嗟何餒 重宸悼不勝送終皆 聖賜泉下

渥恩加

君

宣廟曾

孫仁城君玘孫

顯廟大喪為

任監司

胤元

挽 監司一子守迪生子四五人

鋤祛畦畛色辭溫完福人生積德門棣萼聯芳兄及  
弟蘭芽播馥子兼孫八添花甲年猶壽三長薇司爵  
亦尊環衛趨班如昨日幾回懷曩暗傷魂

尹判書

世紀挽

妖舌難避 聖主明頭銜依舊荷 恩榮台垣西壁



兼宣惠漢水南城復掌兵纔見征轅隨片旆遽聞神  
劒會延平春輝未報身先逝誰向高堂慰此情

判書故判義禁坊第二子經兵判參贊守禦使往  
會夫人朴氏葬日有遺壽六十六有繼母年迫  
八十判書以善事繼母見稱於人客李拭賤孽妖  
忽因事怨公誣告公反上燭其奸誅拭以正法  
待公益加於前後以參贊惠堂  
守禦使授之聞者皆感歎

趙參判威明夫人李氏挽 癸巳

海上蟠桃結遐齡八十年疏榮丹誥疊馳慶彩衣鮮  
正擬專城養俄驚壽曜淪淒涼鹿門下雙劍會新阡

夫人故朔寧郡守李山賁女也壽八十一二子二  
女內外孫曾二十四人

洪領相命夏繼配尹夫人挽



相國騎箕閱幾春故家猶見壺儀純躬持清白傳三  
世膝置曾玄享八旬 聖代殊恩頒廩厚暮年隆養  
奉輿頻門前每歎槐陰冷益愴星躔發彩綸

汴川洪相顯廟朝相臣也前夫人申氏二男一女尹夫人二男壽八十夫人判書以道妹也

徐金川文淑挽甲午

僚案周旋共一司居家孝行慣聞知常供旨澆調親  
饌必致謳歌侑壽卮逮至雷封之任日更增風樹不  
停悲春光依舊承歡地寂寞空堂揜總帷

金川故同知弘履第四子余為司尊提調徐公為直長因與之識面慣聞孝事同知公狀

鄭統制弘佐挽



時平無地立功名，惟著當官盡職誠。  
戎閫仁威完管轄，廟堂緩急倚干城。  
纔聞昇疾趨，公召遽報歸真謝。  
世榮淚濕白鬚偏，感愴昔同騎竹里中行。

李統制昌肇挽

關防昭代重三邊，閫寄須公任獨賢。  
不有韜鈴傳隴業，寧將牙纛作王氈。  
分符暫借優閒地，回甲終慳壽考年。  
宿衛輪番兼世好，可憐揮淚望新阡。

統制父親兵曹叅判御將世選於余仲氏政丞公  
夫人為男兄統制為西北兵使有五子三女

臨陽君桓挽 乙未

敦宗禮異見羣臣，同醉宮壺似隔晨。  
惆悵人間餘白髮，



首都門一哭自霑巾

臨陽 穆陵 王子慶昌君之孫清平君佺次子  
仁祖 王子樂善君取以為子四赴燕京兼帶厨院  
宗簿提調都總管奉所後母金氏榮養備至金氏  
今七十二歲云

又一首疑為代人所作

崇資峻秩冠宗人為是 當朝近屬親異域長程勞  
已著諸司兼管 寵采新微疴遽失靈丹效餘恨惟  
存寸草春厚贈東園分秘器渾家榮感奉 恩綸

李東萊 挽

雅望爭推玉署臣慈良名譽動簪紳屏藩重望騰輿  
誦冰蘄清操服遠人內行純深朝議舊亞卿追擢



聖恩新華池邱墓誠心護曾是吾先外商親

東萊即韓山牧隱之後判書顯英之曾孫卒于東萊大臣以其居官廉謹居家行誼陳達贈亞卿

洪正萬選挽

恨未過從數常聞行誼純平居躬孝友累郡室清貧下第寧非命為文早邁倫親疎共嗟惜公論在輿人

朴監司紳挽壽七十八內外孫曾二十六人

早歲登高第清朝歷顯班威聲湖節按惠澤嶺轅攀病卧中年厄家居十載閒追惟先誼篤老淚不禁潛

鄭金川甥周挽壽七十三內外孫曾二十二

夙閱科闡榜高名輒揭焉青萍嗟未售白首亦堪憐



選仕人稱晚治聲世共傳留看不食報玉樹挺庭前

金山君

深挽

宣廟曾孫有幾人世稱為善自天真青氈遺業傳三  
子玄鳥流光閱五旬密邇先山開吉兆荒涼故宅聞  
芳塵白頭懷曩傷心處宿衛輪番似隔晨

李叅贊

彥綱挽 丙申

青雲步武坦然高丹桂蟾宮折再遭政府儀曹殊  
寵眷北轅東鷁積賢勞艷稱耆社方虛坐驚報沉疴  
竟在膏世誼更兼庚契好白頭揮淚寢門號

黃正郎

應一挽



何年題塔曲江遊往事悲涼雪滿頭扇枕遺風安陸  
在壘褒佳政潁川留星回花甲齡猶壽庭茁蘭芽福  
亦優自是外親情誼厚哭望東萊涕堪流

洪監司重夏挽

世好追陪祖子孫始終交勉此情敦謝家寶樹榮光  
盛召邑甘棠政績存喜見亨衢方騁駕驚聞旅館遽  
招魂含悲莫展輒前哭題寄哀辭自淚痕

監司之祖柱文為儀賓部事而為吾郎廳監司父  
參判萬鍾及監司三世相識也監司卒于東營

李林川湛挽

友愛深情出等夷接隣如我最詳知任真天性人事



艷游藝屏書世共推兩邑分憂皆美政三珠傳業摠  
佳兒白頭丞相長垂泣忍把何辭慰此悲

林川李相公濡之弟也兄弟友愛隣里稱之  
壽六十五有三子

黃判書欽夫人挽

崔氏郡守繼雄女  
下又有一首一疑代人作

婉德名門福祿全兒孫獻壽彩斑聯榮封更侈新華  
誥盛禮重回舊醮筵南極明星方耀彩暮年瑤瑟遽  
停絃人間萬事皆無憾獨愴枯魚泣血漣

南叅議迪明挽丁酉

開國元勳後承家赫業存幽蘭皆愛馥良玉最憐溫  
棠棣聯雙萼簪纓耀一門窮通渾是命榮辱更何論



逸足亨衢阻治聲下邑喧三年添六甲一子竝諸孫  
簪子叨堂后時余近至尊春臺初識面前席共

宣樽粵在旃蒙歲同驅節使轅炎涼凡幾變情義老  
彌敦問疾雖開抱濱危已澁言歸來猶在目倏忽遽  
招魂斷鴈悲何極枯魚血有痕城西留舊宅寒月滿  
空軒

不佞與公初無面雅歲在甲戌春上閱武于春  
塘臺公時以堂后入侍余為別雲劒叨忝侍班共  
飽天厨之饌者凡三日仍與之相識而伊後亦不  
得相叅尋或時馬上相逢不過揖鞭問寒暄而已



乙酉冬余忝上价公為行臺同赴燕都六箇月而復命其在路也所經寺館如夷齊廟望海亭角山寺之類未嘗不與之聯輶往觀居則對榻而坐以至夜深秉燭公性既和柔不為表襮以是情意款款兩無相隱殊不知客中之苦也自是愛公益篤自不能忘公連倅北邊又莅東邑有人自東北方來者若言公廉謹守法邊民稱頌則余聞而喜甚及公佐貳秋曹郎吏言公能畏慎無私挽迫所無余又喜甚聞公有善未嘗不若已有之今夏聞公瓜解寧越印歸家即候之則神色煥脫無復舊



時容顏余憂不能忘而余亦羸 駕溫泉添病而  
歸不能以時往問有言公疾加劇者即往候視就  
而執手則公見余欣喜欲言而氣短不能言笑未  
五日而公棄世嗚呼痛哉公築若在由旬地則可  
以臨壙見棺之入土而地既復遠身又係官素心  
莫遂曷勝愴恨棘人送紙求挽語而遭庶 之喪  
才經成服悲哀中以詩律書送涉於相謳之吟恐  
違禮制空還其紙則情甚鏗然乃以俚語略論交  
際始終書于別幅以示平日素志云

李判府事

濡

夫人魚氏挽



相公誠孝感蒼穹鄰里咸稱內助功諸侄撫憐均已  
出六親欽艷說家風庭留雙璧榮宜遠筭踰稀齡報  
亦豐他日瀧阡鐫翠石千秋婦德古人同

相公年七十三原任首撥夫人壽七十四有二子  
二女內外孫男女十餘人

晉平君 澤挽

王孫文彩自翩翩誠孝超倫雅操堅廉簡天厨監膳  
日勤勞燕塞飲冰年籌慳遐壽神何意業繼佳兒慶  
尚綿追憶同趨環衛列白頭裁挽倍悽然

今春陪扈在 行宮幽閒遽然到客中歛未憑棺悲  
莫逮築塋臨壙恨無窮園林寂寥遺塵邈顏面依稀



舊跡空惆悵故邱丹旆返暮山烟樹起淒風

洪大諫禹寧挽

十年比舍情常好萬里聯輶誼益敦晉長薇垣方赴  
命復綏澄閣遽招魂台南遺愛甘棠在謝家餘徽寶  
樹蕃趨造候班遺執紼白頭臨挽涕成痕

淑嬪海州崔氏挽

戊戌

周南樛木頌謠喧鳴珮宵征奉至尊班押宮嬪榮

已極化承坤位敬恒存方期累載沉疴復俄報重

霄寶婺昏居室戎宏兼戒美聖朝昭儉始終敦

儒川君鴻挽



王孫餘力闕神方一試青囊 玉體康 兩殿垂褒

紆盛典百僚稱慶和 宸章職親 禁地超卿列身

侍 行宮荷寵光四紀年齡何倏忽病違攀紉涕成

行儒川 宣廟王子慶昌君孫也 上憲候危嶺諸

醫束手 儒川請進導水丸 悵收神效 上喜甚告

廟頒賜下 宸章以褒之 搢紳皆和之 起資無都

抱管處 駕 溫泉錫賚優厚

李判書元楨遷葬挽 年條未敢

昔承 王命伴燕行薄劣慚叨上价名共涉長途成

厚分頻尋委巷荷深情風儀幾痛重泉陽墓草空傷

十載經改卜眠牛移永宅可堪旌翬向新塋

黃判書欽夫人挽 一首又在 上



誰料重牢慶翻成牧犢悲閨儀四隣說敦睦六親知  
坐膝蓀襦匝承顏彩服宜尚書無怛化福祿有如斯

申生

碩老挽一首又在上

人生於此世享七亦云稀八耋已遐壽四男又繼徽  
暮齡精尚旺朝薤露先晞追憶葭莩臨風涕一揮

鄭僉使

之相挽乙亥

蓬川君之翼弟  
壽七十七

吾宗丈僉使公惟孝友于待人接物一以誠內外諸  
族黨咸稱之早登虎榜官不過一邊鎮命也政官知  
其賢惜其老将擬揔府郎先一日逝悲夫宗侄知公  
最深而不聞詞律以一誄辭和淚瀉哀其辭曰



襲先祖慶名聞武科才優位卑命何奇耶有年稱壽  
有子稱家從先人葬受祉猶多吹噓未逮悲悼轉加  
九原茫茫雖恨奈何

洪高城萬運挽

曾為果川倅時來訪余兄弟於墓廬先墓有事則輒有顧助心

常感激辛未五月在任喪出其兩弟送挽紙於余而余實不聞詞章以數語代草

守艱松楸頻承五馬之榮臨有事先墓輒蒙顧助之  
至誼感德實深無日而忘而至於居家之克盡孝友  
待人之不施表襮尤所景歎遽聞訃訃驚慟何言哀  
挽之作義所不辭而本昧詞章實無以形容盛行者  
奉還空幅慚醜而已



祭文

祭內舅南公文

嗚呼惟我舅氏壽七十七矣官四品矣有子矣有孫  
矣有曾玄矣公之得報施於天者斯已不歎而第公  
早颺文聲摘取小科又期以朝夕釋褐而公車之選  
竟屈而不售仁慈之惠只行於小縣徧郡則天之報  
施亦未可謂盡之矣吾慈氏春秋今八十公年次之  
季舅七十三矣一堂之內黃耆鶴髮相對融融三家  
子姓一心喜懼吾慈氏視公昆弟如少弱弟念舅氏  
之或飢而寒也分食與衣伴問安否未嘗間日自公



之逝哭泣過節小子所以寬譬而為勉者無不至而  
念公愈深眠食太減小子之憂遑煎悶已不可言而  
公亦有知亦必戚戚於冥冥之中也自小子出後呼  
公為舅而周旋於几席之間者于今十九年所見公  
康強謂享百年之壽公何遽爾棄化而使吾慈氏疾  
懷於耄耄之年耶嗚呼日月不居即遠有期俯仰天  
地萬事茫茫小子自去年秋重得奇疾沉綿枕席其  
於朝請起居之班雖或強起扶舁不敢廢禮而一動  
則症輒加劇至數十日而猶不欲委弊已甚日就難  
醫垂死之中聞公之訃驚起擔舁冒寒趨哭歸家之



後日加一日戶庭之間亦不得自力告護之孟倩人  
替奠中心悲慚如不祭焉臨紙嗚咽有淚如泉嗚呼  
哀哉

祭李舅南公文

庚午

嗚呼去歲季冬葬我伯舅今年春首又哭舅氏之喪  
何天之禍吾外家至此之酷也抑吾兩舅氏五福具  
備人所稱歎則固無遺憾於斯世而吾慈氏以九歲  
之年纔收去冬之淚又有今日之痛悲悼傷戚愈久  
愈加寬譬之言無得以入焉天乎此何為哉吾舅氏  
早負拔俗之才人皆以步武青雲期之而至其科園



之作先輩掌試之人謂之無愧於楚辭而終不能大  
鳴於世榮止五馬位僅專城則倘所謂天道難謀者  
是耶嗚呼小子之呼公為舅氏舅氏之呼小子為侄  
者今且二十年矣見公之鬚髮未盡變顏貌有渥丹  
方且期以百年永奉教誨孰謂今日遽爾來化而使  
吾慈氏有手足之痛耶嗚呼幽明異路即遠有日而  
支離一疾枕席三年既不能臨壙展哀而告諱之奠  
亦且替人茫茫此恨耿結從古嗚呼哀哉



東平尉遺稿

疏劄

辭揔管疏

丁未七月

伏以臣伏蒙 聖恩再忝揔管之任榮感一念何嘗  
有食息之弛哉恪勤供職不敢怠慢是臣之心而臣  
自幼稊素多疾病每當暑月廢食呻吟痛或卧或坐至  
于今年則比前益甚終日所喫不過數匙水澆之飯  
猶滯腸間不能消下日覺羸瘁而頃日松岳祈雨耐  
痛徃來且經輪直轉輾添傷粥飲輒即還吐氣息漸  
至漸頓未有自力之勢旬月之間差復難期宿衛之



任不可久曠伏乞 聖明俯察臣病重實狀亟 命  
鑄改臣都總管之銜俾得退伏調理千萬幸甚

又十二月

伏以臣伏蒙 天恩又有總管新除之 命臣之前  
後忝此已至再三榮感之中惶懼彌深所當即出行  
公而臣之老母痼疾纏身常在床席僅得支過不幸  
臣外祖母之喪出於今月初臣母之病因此添劇委  
頓不省氣息如縷臣之情勢淩難離側鎖直以經數  
晝夜之久伏乞 聖明俯垂矜察亟 命遞臣都總  
管之任公私幸甚



答曰省疏具悉卿其勿辭救護母病

再疏

伏以臣老母病重凌難離側而鎖直冒昧控辭實出於情勢之萬不獲已伏奉 聖批以勿辭救護為

教臣惶恐狼狽固知所措臣母年垂七十羸病已甚雖在平日委身床褥况自遭喪之後又添寒疾粥飲全廢元氣漸敗痰火上升有時窒塞臣於此際不敢暫離臣若瀆擾是懼欲待母病之差歇則為日漸多遲速難期虛帶官銜乃使同僚代臣輪直非但臣心之不安揆以公家事體亦極苟艱伏乞 聖明俯察



悶迫之状亟 命遽臣都摠管之任公私幸甚

答曰遽差

請暇疏 辛酉三月

伏以臣敢將私懇冒瀆 宸嚴固知猥越之極罪無  
所逃而情理切迫不得不仰籲於 天地父母之前  
伏願 聖明垂憐焉臣於前冬喪失獨子埋葬于京  
畿廣州地而時當寒沍土役甚難未得成墳覆蔭尚  
在淺土之中且亡妻淑靜公主之墳亦在一山之內  
頃值潦水莎草頽損階砌崩圯將以今月八日起役  
修完而無他子孫之將事者臣必躬往經營然後方



可措辦伏乞 聖慈下察微悃許臣數日之暇俾伸私情千萬幸甚

答曰省疏具悉卿其安心往來

傳曰淑靜公主墳山改葬草時令附

近官役軍七十名限二日赴役事分付本道傳曰東平尉墳山修葺事下往時給馬

### 辭總管疏

伏以臣伏蒙 聖恩除授總管臣誠惶感惟以奔走供職為期矣自數日前猝患胸腹之痛叫苦辛楚殆不堪忍雜施針藥未見其效食飲全廢轉側須人旬月之內凌無起動之望輪番直宿自有定式而緣臣病重將使同僚替入臣直非但病中一念晷刻不安



揆以事例亦不宜如此伏乞 聖慈俯察臣疾病實  
狀亟遽臣揔管之任以便公私不勝幸甚

辭司藥提調再疏

伏以臣猥將情悃冒死仰陳而微誠未格 溫旨遽  
下臣之惶隕憫感又加一倍矣臣伏念 祖宗制法  
不使儀賓干與於朝家者欲其安享富貴不觸刑辟  
之意也責之以有司之任則凡有罪過不得不以有  
司之罪罪之也罪之也則傷其恩赦之也則無以施  
國法此所以 祖宗深惠遠慮愛欲其生之至德也  
而臣曾見野記 世祖大王又嘗下 教禁宗室儀



賓勿交外祖之人外朝之人猶且不許之交則其不欲以外朝之事責之者尤可見矣至於宋寅尹新之申劔聖諸臣則或以學問或以文章名動一世伊時朝議或欲以主文之任授之至其不能然也始授之以該司提調之任則其不可人人輕授也明矣如臣不辨菽麥不識一丁者何可授而例之哉臣於此尤有所忸怩者加以盛滿為懼慄慄度日喪憾傷心忽如狂雖欲憑藉 寵靈苟進冒處其何以堪之哉前章所陳已悉此意而終靳 允許者或者 聖上以臣謬為虛讓而心實不然乎臣雖無識粗知分義



豈敢過為情外之言以欺君父也哉言從肝膈辭非  
虛假伏願 聖明亟遽臣司導提調之任以便公私  
千萬幸甚臣之此疏非特自陳私情之憫迫而所引  
者 祖宗法制與 世廟聖教則喉司宜即奏 御  
以俟 處分而連日退却使不得登徹臣於是悶鬱  
焉

答曰省疏具悉已諭於前疏之批卿何過辭至此乎  
卿其安心勿辭從速察職

### 三疏

伏以臣不避煩瀆再上辭章自謂底蘊已竭而猶未



蒙 恩計此必臣誠意淺薄不足以動 聖聽也理  
宜惶懼屏息以俟謹何而臣終有所不可冒居者則  
其何以煩猥為嫌晏然而已哉臣稟賦庸拙全不識  
事加以喪憾以後心神消亡殆盡已作喪性之人儀  
賓府雖無酬酢文簿之事首居者例掌一府之事而  
臣亦不能為也既已委之於他僚則其何敢冒居提  
調之任總察一寺之事務乎職名之不可堪自知已  
審授受之不可苟古誠甚明百爾思量更無前却伏  
乞 聖慈諒臣至懇亟遽臣司道寺提調之任使臣  
守拙安分畢命 聖世不勝大幸臣無任云云



答曰省疏具悉卿勿固辭從速察職

請變通司道寺役婢劄

伏以臣待罪司道寺提調有不得不變通之事茲敢冒昧仰陳焉 各殿供上粳米入直之官親自監視使本司婢子抄擇完粒臨期封進稱其母為米母

各殿各定一人此乃流來舊例也本司見存婢子五口內兩人年老病廢應役只是三人雖不得輪番使喚不失各定之例矣即今五處供上以此三人凌無推移之路本寺事勢誠為可慮本寺婢次烈三禮等兩人移屬飛陋匠前已啓下此兩婢等飛陋匠之後



請令該曹減下還屬本寺以為應役之地不勝幸甚  
取進止

答曰省劄具悉當令該曹依劄辭施行焉

因社稷膳肉領進官推考事待罪疏

伏以臣即伏聞因政院啓辭以社稷膳肉簞子已  
時始為來呈有領進官推考之命臣於此有不敢  
晏然者不得不陳暴事實冀蒙罪罰焉臣以社稷  
臘享大祭初獻官罷祭歸家之後壇下執禮曹復卿  
壇司趙義耘典祀官金錫剛等來言禮畢後壇司及  
典祀官自壇司奉神版還安神室而守僕等左右護



往故壇上暫虛之時陳設中羊後一脚不知為何人所偷去而終未搜得云臣聞來不勝驚駭而膳肉進上簞子中既以羊一口書填而將不得以全體封進故臣擬與亞獻官終獻官陳暴送人約會于闕中又使膳肉領進官曹復卿遲留於闕下公廨以待臣等陳啓後入啓而臣騎馬將出之際守僕又為未告所失羊脚還復得之追納於領進官云羊脚還得雖未知其曲折之如何而既已還得云故臣旋寢詣闕之行送人于曹復卿使之趨速入啓其遲留往復之間自致日晚事勢固然而實皆獻官之所指揮非



領進官稽緩之致而使復卿替受其罪臣不勝愧悚  
戰慄之至其所稽留責實在臣伏願 聖明亟令攸  
司先勅臣罪不勝幸甚

答曰省疏具悉卿其安心勿待罪

傳曰領進官推考傳旨文周

啓覆時陳情徑出疏

伏以今日啓覆時臣當入侍名入書啓之中而老母  
自前月重患寒疾委頓床席數日以來又添風丹之  
症兩頰浮高赤色遍滿既施針砭不見寸效夜後痛  
勢尤加苦劇老人筋力若不可支臣嘗藥憂遑不忍  
暫離而 親臨殿坐之日在家陳疏義有所不敢求



詣闕中茲暴情實而方寸潰亂不得留待 批旨  
徑先退歸私情雖切罪合萬死惶恐隕越靡所容措  
伏乞 聖明諒臣煎迫之情治臣偃蹇之罪千萬幸  
甚

辭揔管疏

伏以臣猥陳私懇獲蒙 恩暇追遠微誠庶幾少伸  
而給馬往來之 命又出分外臣感激 異數惟有  
涕淚第臣所帶揔管之任職在宿衛安不可仍帶遠  
出念臣先基道路云邈雖攢程作行往返之間當費  
三十餘日而況於其間或關雨或淹病有難保其必



無又不知費了幾許日子而方可還朝一向虛帶不  
但臣私分之二不安輪直之苟簡亦不可不慮伏願  
聖明亟遽臣揔管之任俾得隨意往來不勝幸甚  
答曰省疏具悉卿其勿辭安心往來焉

差享時自陳疏

甲申正月

伏以今月初三日乃春享大祭受誓戒之日而因初  
差獻官之有故初八日夕以臣始差永寧殿初獻  
官而獻官有故則必以受誓戒人中推移填補例也  
臣初無受誓戒之事故不能逆料其臨時差祭初四  
日間偶有犯染之事受香之日勢難進參而在案不



進則跡涉規避不得已來詣闕中而差祭大臣亦言叅祭之未安故臣招致祭享吏以此屢次送言于吏曹而事勢急遽終未得變通而傳香承旨已出殿庭臣於此不得不受香以出悚慄之心有不可言而大臣亦嘗與聞既云未安則其在事體終有所不可默然者敢陳其事實而且前頭若以臣昨日之事為式例以不受警戒者臨急填充則典祀苟簡之弊未必不自臣始伏乞聖明治臣率爾受香之罪仍令該曹更為申明定式不勝幸甚

答曰省疏具悉疏辭令該曹彙處卿其勿待罪



請與樞府諸僚同罪疏

伏以臣以摠府替直推諉事與諸僚同被譴罷罪重  
罰輕若無所容而不意茲者勿罷之命獨及於臣  
身私心之不安有倍於被譴之時惶震震惕益不知  
置身之所也蓋摠府舊例首席則體面有別左僚不  
得直為請番而若值番次苟簡之時則亦豈敢諉以  
首席而不為暫入乎伊日舉動纔罷左僚皆自  
闕下未及散歸而臣則忝居首席之故錄事既不得  
循例請番臣亦聞兄家宗孫之病萬分危劇蒼黃出  
去即遭服制則雖非臣故為推諉自便之致而終使



莫重 禁直無端曠闕至於半日之久則無論其間  
事故之如何居首席者宜先被罪以警他僚而僚員  
則皆在罪罷之中臣則獨為倖免非但臣心之有愧  
其於法例亦未免舛茲敢冒死呼籲伏乞 聖明  
還收勿罷之 命俾免罪同而罰異千萬幸甚  
答曰省疏具悉卿其勿辭安心行公

摠管聯名疏

副摠管金鎮圭

伏以日昨展拜 國陵也臣等各以其職掌侍衛  
駕前及其 曰鑾而到沙阿里操場之前遽易 駕  
輜之馬前隊及挾輦軍傳聞而錯認謂 大駕將幸



壇上相與旋轉挾輦之軍既已旋轉則侍衛之臣有  
難獨自遠在遂回身稍近 駐蹕之所審知其虛傳  
而更為前進矣此固由於倉卒忽遽初未詳審之致  
而職忝陪衛有此離次失儀之舉其罪大矣茲敢相  
率首實伏願 聖明亟命攸司勘治臣等之罪以肅  
朝儀不勝幸甚

答曰省疏具悉卿等勿待罪

乞省掃疏

同年十月

伏以臣奉使異域出疆不遠霜露之感倍切于中臣  
所後父母墳在於廣州地本生父母墳在於果川地



省掃告辭情理之所不可已伏乞 聖明特許恩暇

俾得徃來以伸至情焉

答曰省䟽具悉卿其安心徃來焉

傳曰給由馬澆  
奠床備給

辭典牲提調書

丁酉

伏以臣忝居儀賓之列猥蒙 累朝殊私雨露偏沾

涓涔莫效嘗聞先臣之訓戒惟以奔走殫勞為報效  
之萬一凡於候班祭享不敢稱病托故只以年至力  
竭為限而今則年已至矣力已竭矣臣於上年冬猝  
得衄血之證出血數斗幸不即死而神精消亡元氣  
大脫委頓床簣彌留至今少或勞心觸冷則頭疼目



眩輒有血出之漸且以屢經膝下之慘出淚過多眼  
昏太甚幾不能視物而又自昨年脚軟而戰掉非杖  
則雖平坦之地不能獨自運用非杖則雖數級之階  
不能任意升降此是年老血損之致非藥餌所可責  
效近日 上候諸節比前稍加候班更設百僚憂惶  
而臣獨阻起居之班未伸臣子分義撫躬悲悼生不  
如死顧念臣兼帶典牲署提調每當大祭與禮曹堂  
上進詣本署看閱犧牲封標以進者一年之內凡八  
次矣或有 親祭之舉則又不知更加幾次而病卧  
以後一不得看牲獨使禮曹堂上封進臣私心惶縮



已不可言而其虧損國體亦且大矣雖使無病強健  
年今七十是古人致仕納祿之年而又添死病節中  
待盡設或賴天之靈一息不絕得延一二年前頭所  
望只在大庭親臨之時匍匐入參遠瞻天顏  
而已至於昵時御座仰聆玉音則此生已矣益  
增悲咽只以崇班厚祿聖朝恩賜優遊壽域惠養  
餘生於今足矣更無他念至於典牲署既在城外稍  
遠之地其職掌又非閒漫他司之比必自躬往然後  
職責可效而臣既老且病朝不謀夕其復作完人起  
而赴衙非所可論也不可虛縻提舉之名使莫重省



牲之禮廢而不行伏乞 聖明俯察臣病是實狀辭  
非飭讓亟遽臣典牲提調之任以重社典以安徽分  
公私幸甚

辭凡署提調書

戊戌二月

伏以臣犬馬之齒去年是七十歲也病又沉痾無望  
陳力故悉陳病狀乞遽典牲署提調之任獲蒙 聖  
慈即允所請俾臣無所關念安意調息歲幾一周感  
激 洪私死猶含 恩臣於今年又添一齒本病之  
外重得風痺之証心神昏瞶如在烟霧加以左臂左  
脚全不運用委身床席作一蘧箬日昨中夜猝聞



嬪宮遐逝扶掖擔舁隨諸大臣後僅得奔哭於嬪  
宮差備門外病情一倍加劇其後起居之班一未進  
參撫躬悲悼生不如死已作未冷之屍世念永絕千  
萬意外有瓦署提調之命而臣之即今精神筋力  
雖閒歇小署凌無察任之望況今墓所有事瓦磚  
燔役皆自瓦署措辦夜以繼日雖使年富力強者親  
自督課尚不望其及期完役以臣病狀尤何可以堪  
任乎臣若不早自處則臣身狼狽固不可言而其於  
大事亦多窘迫不得不疾聲哀籲於 高明之下伏  
乞 邨下下察肝腸之懇亟遽臣瓦署提調之任使



官事無損又使臣得以安意就盡不勝幸甚  
答曰覽書具悉卿其安心勿辭調理行公

再疏

伏以臣年老病痼之中又添風病起居坐立必須倚  
人床簀餘喘全無人世之念而千萬夢寐之外遽有  
尾署提調之命顧念臣精神昏憤無以揔察署事  
敢暴病重實狀冀蒙 矜許伏奉 微旨以安心勿  
辭調理行公為 教有若調息屢日可以痊可者然  
伏想 邸下以臣所患謂可以調息則復起為人有  
此 溫旨臣微誠未孚言不見信惶愧踧踖置身無



所臣於一家長老及親戚之間多見風病非如傷寒  
腦腹之病痛止即瘳精神不明言語蹇澀對人則錯  
認誰某欲語則意在東而言在西若合眼靜處不費  
精神則或有得遲數年之死而強勉酬應損費精神  
則病輒再發再發必死再發或不死至于三發則百  
無一生者風病之例患臣自知溘然之期非朝即夕  
方且飾巾待盡之不暇寧有酬應事務之望哉臣之  
此言若有一毫假飾以達 高明之下則天必殛之  
焉可誣也臣之復此哀籲實出萬不獲已故臣於呈  
書之日遂言喉司悉陳病重實狀而喉司以為兼帶



辭疏承

批之後無再入之規終不捧入即今 墓

所丁字閣蓋瓦之期迫近而燔役尚遠將使大事有  
未及之患此皆臣病不能檢察之致也喉司之臣非  
不知老人之精神不逮疾病難強不可責之以筋力  
而今於臣無所矜憐非但公事之狼狽何其無推恕  
之意一至此哉臣於前年年至七十且有重病故引  
年陳情幸蒙 聖明之曲察得遽典牲提調况今更  
添一齒加以風病苦劇半身不收而苟然仍帶則年  
前血懇盡歸虛地寧有是理伏乞 卹下丞賜處分  
無使官事債誤使臣得以安意就盡以全終始生成



之澤不勝願

答曰覽書具悉卿之以病祈免至此尾署提調之任  
今姑勉副卿其安心調理

罷叙後引咎疏 庚子七月

持平洪鉉輔上疏云禁中直宿何等重大雖  
是王室至親大臣勲賞苟無省記不敢留夜  
更鼓既深之後亦必啓請門鑰者法意有在而  
乃者東平尉鄭載崙當仙馭實天之日連宿  
闕中若無顧慮聽聞駭惑中外譁然藉使異日  
不當宿於闕內者或托此為口實則其弊不  
可勝言臣謂當行削黜之律以嚴懲後也  
答曰云云下款所陳鄭載崙削黜之請俱涉過  
重特罷其職

伏以臣年老被疾五載病風神識多所遺忘腰脚全



不能運用尸居餘氣久成廢人此則通朝之所共知也乃於 大行大王登遐之日忽承入 內將事之命臣於驚惶震剝之中終日奔走於沐浴及襲禮節及至退出之後不勝疲蕭暫憩屏處喘息呻吟自不覺更鼓屢下 闕門已閉不得不經夜於 禁中空處而疲頓衰遑精神都喪省記一事全然忘却其後連日仍在執事之列忍死出入於晨昏奉審朝晡哭班又叅大庭合辭之請左扶右持前牽後推精神有如醉人行動便即跛曳而只謂此非言病之時惟以顛仆班行曳屍出門為期實不暇念及餘外若能覺



悟則當使一吏言于省記色書吏而已何憚而不為  
哉逮至十一日夜中有不時入審 御床之舉因政  
院之提問始覺其初無省記而事已過矣悔無及矣  
臣於是駭惶震悸欲死無地蓋臣曾於戊辰年 莊  
烈王后國恤時承 命入內敬奉襲斂事亦如今審  
之為而其時有不時奉審之事故言于兵曹書入省  
記留宿 闕中矣伊後犬馬之齒又加三十三歲今  
則為七十三歲矣筋力非昔日之筋力神精非昔日  
之神精臣既頓忘而又無傍人之提醒不覺自抵大  
罪此雖死期將迫天奪其魄之致而臣實無辭以自



解只歎老而不死顛錯之至於斯也宜被大何以正  
王法而 聖慈憐貸特從寬典不允執法之請只施  
罷職之罰臣益惶恐無以自措不意今者又下 叙  
命被譴無幾職名如故竊伏想 聖明諒臣病狀察  
臣本情且憐其死在朝夕不忍終棄乃有此優異之  
恩 殿下之為老臣地則至矣而罪在難赦不可以  
耄老而曲恕事關後弊不可以忘誤而輒貸 聖教  
之下輿情必駭臣何敢恃 寵冒罪晏然就職重招  
人非責也哉伏願 聖明更加省察還收臣叙用之  
命仍使考律定罪以嚴邦憲以謝臺議亦使臣安心



伏罪以終餘日千萬幸甚

進香時陳病疏

庚子

伏以 國恤時例有五上司進香之禮而儀賓府亦在其中臣將以首席進詣 靈座前獻酌而臣自四五年來兩脚全不運用已成廢人非左扶右持寸步不能移以此病狀必欲強行顛仆後已步詣尊所奠酌 靈座退出挾門斷無其路撫躬自悼只自痛隕而已臣之脚病實狀日者 國哀初喪 事時 殿下亦必 下覽臣不敢覩縷煩瀆伏乞 聖明亟令變通使次僚替行莫重之禮臣則俯伏外庭瞻望哭



退以盡情禮千萬幸甚

荅曰省疏具悉卿懇卿之脚病予所詳知今次官替  
行焉







翼孝公稿

李叅判徵明挽

余年十許歲謁季父於玉堂持被之所尊春府丈與  
季父伴直公時在側而與余同庚也仍與之嬉游半  
日其後雖不得往來叅尋時或相逢於朝班未嘗不  
歡然叙舊兩相不能忘今一疾不淑幽明遽隔愴恨  
之懷無以自抑且余夙有悅公之風而心竊多之者  
茲記其事以相緋謳焉公春府與歸溪金尚書情同  
兄弟愛公如子姪其胤息庵相公視公如從弟公亦  
兄事之問字從游一月之內足不及其門者僅四五

日及見相公名位榮顯則足跡罕至而至則必以達  
耳之言聞之相公策勲麟閣位遇益隆則足跡幾絕  
矣然數以書諷戒不避數踈之嫌傍觀者亦為之代  
憂而公不恤焉一日相公與余從容語小字公曰世  
間事有不可測者月徵棄余矣稱小字者蓋視如一  
家人也余曰何為其然此非棄之也必愛之也相公  
曰愛之、謂余不能解聽余曰公勲隆位高賓客盈  
門不欲以身添廁賓客之列以益公好雜客之謗也  
昔劉元城以溫公門人情同父子而溫公在朝則書  
問削跡及其閒居坐問無虛月某也必有見於此也



公或顛沛則今之晨夕伺候者必過門而不入甚或  
下井而落石至於李某可以今日行身卜其他日持  
心相公門下而將有劉元城也相公漫應唯唯猶不  
釋然未久而時勢稍變相公為年少輩所困不安於  
朝則是復踵其門相公捐館則公為之盡哀盡誠人  
無間然及其祔作嗣絕則公又眷眷為相公家者無  
所不庸其極余之當日云々於相公者今不可謂不  
符矣此他人所不知而我與相公連姻頗得其詳始  
既有酬酢語又觀其末終焉余不言將使後人無以  
知公秉心行事之如此茲不敢以俚語文拙為嫌云

宗丈鄭公時翊挽

余鼻祖戶長府君墓在東萊華池山已近千歲子孫  
散處四方道里遐遠吾輩不得以時拜掃菑牧之禁  
香火之薦金托於裔孫之居近邑者公其一也不意  
有何人偷埋其親於墓後數尺地仍夷之不使人知  
過十餘年人無覺得者一日公宿墓下齋庵夢先祖  
告其故且言其狀甚悉公心異之發書遍告在京諸  
族且告于主倅試掘之果得焉距墓步數遠近埋葬  
服色皆如夢喻無毫髮差人感先祖之靈不昧者存  
又多公精誠之感於冥冥莫不嗟異之諸後孫在遠



者相逢語及公必祝公遐壽無疆永守我先祖塋域  
矣守墓僧普洽持公堂姪世亨書至報公以丁酉九  
月八日棄世嗚呼痛哉年享七十且有丈夫子兩人  
公於世亦可以少憾也而吾輩為先墓守護之望又  
誰仗焉嗚呼哀哉遂南望痛哭辭以誄之曰

惟我公兮先祖後裔居近先墓者護無替精誠所感  
先祖夢告掘出偷瘞墓庭清肅非公誠孝曷能臻此  
孰非後孫我輩羞愧云胡一疾遽至不祿子孫逢吉  
先祖陰鴈

李恭仁 漁悅

昔吾占 賜第於壽進坊即君舊家咫尺地也吾為  
子迎師館之於門外別堂君與吾兒同師而學焉君  
年少吾兒一歲遂為同隊兒吾撫頂而愛之贈之以  
文房之具勸之以騷壇之技時尊春府大人無恙君  
為少子之故愛之甚兩家各愛其子日夜望其成就  
不幸吾兒十八而夭無子君則壯而既有子蚤中司  
馬又善於筆寫得金石刻人且謂早晚擢第俄通路  
仕路連拜水曹地部郎克有聲名吾聞而喜之前君  
為南邑倅來辭余勉以治郡亦如在水曹地部時  
今夏君因事上京將還余更申之以前所勉之者仍



祝慎行李而余於其時忽然心不怡而悵缺不類初  
別時有似知其不復見而傷感者然竊自異之以為  
老人情弱傷於遠別而然也未久山間遇至古人所  
謂魄地先知者是耶其亦異矣君未絕前所饋敕廟  
封若手札繼訃書而至披閱前書墨痕尚滋執書以  
泣不覺長號一聲倏忽之間人事之遽變一何至此  
憶君年止四十九雖不得為壽視吾兒則有年矣且  
有後矣顧余隻影獨留人間到今垂死之年又失亡  
子之舊友吾於此益悲吾兒之無年無後而轉覺此  
生之無意於斯世也感舊傷今愴悼何量君柩自南

來殯廣陵余乘暇一往而時值 太廟有事忽歸  
來一塲之哭安得以淺吾悲也棘人告以某日將塋  
先兆送紙幅求相緋之謳而余不閑詩律以俚語口  
呼以摠韓昌黎悼少監之懷云

祭南生聖基文

維歲次丁亥八月庚辰朔二十一日庚子某以清酌  
庶羞告于表從姪南大面之靈曰嗚呼汝我先妣從  
孫而奉我外王父祀者也我先妣念汝特異他從孫  
每以汝未得一蔭官為歎居常說道及其棄不肖孤  
七八日前又復疊々不已余涕泣而銘于心期導大



夫人之遺志而力綿吹噓經年之後倖得一首擬於  
四山監之任而亦未蒙 天恩雖緣汝命并亦由余  
誠孝淺薄孤負慈念曷勝痛惜伊後未嘗一日忘于  
懷而事與心戾竟失好機轉眄之間汝已作泉下之  
人嗟何及矣此正古人所謂雖恨亦無可奈何者也  
天若哀吾志而遂吾願使汝得沾一命之官則歸侍  
先妣於他日庶見慈顏之悅而孰謂余老病者尚在  
於世以汝少壯之年遽爾不淑耶余於汝已絕汲引  
之路今日吾之責唯在於助汝歛塋之費以盡吾心  
兼贖吾罪而已此吾之悲歎耿耿結於胸中者故略摭

哀悼以告靈筵魂其知也耶不知也耶靈辰不留即  
遠已迫一盃未奠有隕如雨嗚呼哀哉

祭海昌尉吳恭周文

海昌尉吳公以丙申十月初九日棄世遺戒子弟踰  
月而塋將以十一月廿八日甲申啓朝廿九日塋于  
廣州月谷里東平尉鄭某病在床席不能起動前七  
日丁丑以酒果脯鹽倩人晉告曰嗚呼歲己未公年  
十二儀賓王室時余忝儀賓年方三十二公以我  
年位之居右待之以禮敬又以誠心遇我亦以誠  
心答之彼此情義無異叔姪兄弟凡有所蘊公未嘗



不言于我：亦無不言于公者。公之訪我，不曾間數日一月之內相對者常廿三四日談話，後客不知日之夕夜之闌，以是為常。于今三十有八年矣。余於丁丑春得病甚危，公日來診視，憂慮備至，為之親執藥餌。余幸復蘇，得延至今。而比來十年之間，三赴燕京，顧余命道奇險，嗟子無孫而年老之人，莫保朝夕，恐或死道路，不返家事。鉅細與身後之事，一以托公。前年冬余在燕館，有貴客譯官，追到得公手書曰：舊病復發，恐不能迎拜於明春。駕還之時，余見書悲憂，殊不能為懷。今年閏三月回還，復命即往。公第則公

能起迎笑語而神氣煥脫無復舊時顏貌矣余不覺  
心驚魄慌歸家臥、夜不能成眠自是後八朔之間  
日輒忝尋公病漸劇而精神不變每見我至輒欣然  
語繚、不已屬纊前五六日語余曰吾常期公百歲  
之後擬盡後死者之責以不負所知一病如此今將  
死矣乃及有所托于公將使老人及慮年少人身後  
之事我心戚、喉間之語甚多而語細或不能省聞  
公於死生之際猶且眷、於我者如此嗚呼哀哉余  
今老矣凋朽日甚而公逝之後又經危疾及見明年  
之麥熟且不可期復安能久於世乎公鞠歸葬於月



谷而吾死之日亦將歸骨於省達兩地之相距適僅一斗島地耳使死者無知則已如其有知也則他日兩人之魂相往來如人間無窮期矣是亦猶朝暮之別猶可以少寬悲懷耶惟是四十年之間閱盡公私無限悲歡握手相對吐露肝膽竊觀公處心行事默識于中而嘉歎者固非一二公一念憂愛至誠可賢哀人窮厄善心藹然居家事老兄如事父事寡伯嫂如事母修先墓供先墓供先祀實有人所不能及者此皆吾所詳知也而公嘗嫉墓文之有諛辭誄文之有溢美亦嘗慨言於我者屢矣或恐犯公之戒以負

公素志故只以平生情好之篤申之於侑觴之文而  
老人心弱悲不能成語吾將待地下之相逢以盡今  
日未盡之懷爾公其知耶不知耶嗚呼哀哉

祭金石相錫胄文

癸亥

嗚呼天之生材自古甚稀其或生之亦難遭時惟公  
才德得君其專官位事業孰居公先再典文衡三總  
戎務迭長兩銓仍陟台府名高麟閣陞隆一代祖子  
若孫三世羣帶願余不佞辱知最久公實忘年待以  
朋友交非連姻粵自先世倒廩傾囷坦無內外有時  
過從四廁屏軒接辭承顏和若春溫毛髮雖變神氣



不衰謂公康強宜享壽祺一疾遽劇天奪斯速凡  
重震悼朝野嗟惜邦國殄瘁哲人其萎百年間氣而  
至於斯葬地賻襚皆出君賜宸情所念恩數特  
異隱卒崇終絲綸慙惻生榮死哀公其奚憾靈辰不  
留即遠有期一盃來奠庶幾格思嗚呼哀哉

祭錦昌副尉朴恭定文已巳

嗚呼公而至斯耶余與公交遊三十年矣中間閱盡  
公私無限悲歡而同時諸人皆化為異物獨公與余  
在耳孰謂今日公又捨我而去耶記余幼時先君左  
相公每字呼公先大人經歷公曰某甫吾童稚友也

因語當時遊戲事纔、不已余固已敬聞之矣及至  
丙申秋余忝叨 禁臠而公於己亥春封爵為副尉  
始得相逢於昌德宮之間安廳公亦承教家庭稔聞  
世誼面則新而心實舊矣其年四月之一日 孝廟  
宣教于崇善樂善兩王子及益平青平寅平興平四  
都尉慶安君暨公與不佞臣某曰吾欲與爾曹少出  
後苑暢叙幽懷明日各以便服早來翌日益平寅平  
有故不赴其餘諸人晨詣則平明 上出自大造殿  
乘紅轎張紅蓋內侍扶輦以行而 顯廟在春宮步  
趾隨後諸人以次陪進 上御翠微亭呼公名曰汝



嘗從事舉業必能作詩風景方好汝可吟詩內侍授  
以筆研公即寫一詩以進曰上林春盡景清新一穠  
叨陪作近臣欲報洪恩知罔極但將微悃數封人  
上覽訖以扇、之傳于春宮曰語意甚好仍賜  
公敦厚紙筆墨胡彬丹木倭扇以褒之 上使青平  
都尉執筆口呼和韻曰雨後清光萬綠新一堂少長  
是君臣花臺柳榭渾如畫時有鶯聲喚主人仍謂公  
曰吾欲手寫以賜而氣不平手戰當俟他日遂命  
移筵于魚水堂使諸人對立投壺而不中者拜中者  
公與青平為耦而公不中公拜之已而 上命周遊

禁苑以觀臺池禽獸日暮公請歸上教曰當待九  
秋紅葉更招爾天語丁寧才踰一朔仙馭上賓  
矣公每逢余輒誦當時之教曰玉音在耳弓劍靡及  
歲月雖久此痛終無可洩之時嗚咽不已泣下沾襟  
而後已嗚呼地下之禮無異人間則公少以歸侍玉  
欄為樂而無復有留戀於斯世也無疑矣顯廟嘗  
以少微通鑑一秩賜公：受以為家庭訓蒙之用  
嘗謂余曰使吾五子得記姓名者皆上賜也又復  
泫然逮至當子无感恩眷之不弛於踈遠嘗以  
內府所刊列聖御筆之擬作屏簇者幾幅示余曰



此乃上賜也歷朝異數如此顧此螻蟻之身將  
何以報答鴻私耶又復悲涕不能言蓋公之見余未  
嘗不語及恩澤而語訖未嘗不流涕於此益見  
列聖恩澤之摯而公之含戴之誠愈久而愈深也及  
公之以病聞也內醫診視珍劑連降公於沉綿昏迷  
之中猶能識認而諄々喉間之聲皆是感恩之辭余  
於執手之時亦復聞之嗚呼痛哉公歿之後哀綸  
慤至賻賵優厚東園之秘器內帑之珍段寵賚送終  
之禮而哀榮之典於是克備公如有知則必且飲泣  
於九泉之下矣嗚呼哀哉公之攢祝 隆恩取圖

報者余之所常知而余之守拙安分可幸無罪於  
聖世者亦公之所知公今已矣余將與何人共道此  
懷也噫風燈人世百年難期後公而死者亦未知其  
必久於世當時之迹非余記之則誰復知之而公之  
心事又何以傳于後耶惟余知公惟公知余單盃告  
訣萬古長慟嗚呼哀哉

辭第宅疏

已酉

伏以臣伏見益平尉洪得箕等上疏備陳其不敢仍  
入第宅之意而願臣情勢之危迫有甚於諸駙馬矣  
臣誠不幸既無公主人所指斥之家臣雖欲冒居尤



不可得也分義至嚴公議可畏未奉 聖教罪合萬  
死臣有拘忌之嫌不得縣名以籲更遲更過數日今  
始瀝血陳懇伏乞 聖明俯垂諒察並許還叔臣仍  
入第宅之 命以安徽分千萬幸甚  
批荅不下

因南德源上言陳卞疏

甲子

伏以臣伏見京居士人南德源上言則有曰鄭載岳  
為安岳縣監時撻奪渠之海堰稱以東平尉家等堰  
募民起役以為自己之物又曰使其鄉所及所親人  
某等分定看檢又曰伊時即呈奉官欲卞其不當

然之故則使之跋迹不得接迹云云載岳即臣之同  
生兄也緣臣家之事被人詆罵如此臣誠慙悚震慄  
不知置身之所也第此事既有顛末臣何敢以煩猥  
為嫌而不一自暴於聖明之下哉凡王子公翁主  
年歲幼稚不得自知家事則例有次知中使為之省  
檢此則聖明之已所下燭者也曾任戊戌年臣家  
次知之人聞安岳境內有一空閑地呈內司折受而  
臣則其時年纔十一不知人間衣食之出自耕桑又  
何念及於等堰之事乎以折受一張紙置諸箱篋之  
間而又復忘之矣頃在五六年前有人自稱安岳居



人而來言曾前折受處民皆願為合力等堰以為耕  
稅之地而以其屬諸宮家有所不敢云鄉人之遊說  
宮家貽害民間者往往有之故臣疑其人而斥之矣  
辛酉年間又有他人來言者復如前說而臣之舍兄  
載岳適守本邑臣貽書曰人之來言者如此其果信  
然乎其地在吾家不過為空閑著桑之物而民之等  
堰起耕果是情願則不可以吾家折受之故終始不  
許其特民邑三百餘人聯名呈訴於臣兄願為自備  
器械等堰開墾而臣書又適到故臣兄以依願施行  
之意題之於民狀而已實無一毫顧助之事此則一

邑所共知為可誣也其後前府使崔後亮以其田庄  
曾在此堰之內而外堰將成內水必壅其為內堰之  
害不貲且他人之耕作內堰者亦多有不便抵書於  
臣俾毀其堰臣以為當初許等既從民請而到今病  
民又復如此則其毀其成惟當以順於民情為主以  
此為答而又其後有南姓者始因人送言曰安岳等  
堰之處自是吾家之地且有文券云而當初折受在  
臣幼穉之時其地之有主無主固臣之所未曾得知  
者也到今等堰本出於土民之願亦非臣之所自施  
設者故臣遂復以此為答矣不意德源至於 駕前



陳訴歸罪臣兄夫臣之本無成心於等軀之事者如此則臣兄亦宣有所宣力於臣所不為者而人之構捏乃至於此耶以臣無狀辱及臣兄此臣之真欲鎖地以入而不可得者也噫臣之曾前受 賜於 君父者亦足以過了一生而自從喪慼以來無復有斯世之意拋棄人事苟延時月又何有經營生產以為取益之心乎且念近俗偷惡豪勢病國以強并弱以大吞小以傷我無辜之小民者臣常慄慄自戒銘在肺腑唯以使人無以臣家為言可幸無罪矣不意今者兄弟之名并入於糾狀之中臣家之所未曾見之

者臣愧懼交至驚汗沾背矣當初折受既出於相室  
者之所聞而為之則難保其必無差謬而苟或差謬  
到今釐正所不可已者也德源之罪狀臣竊者亦果  
有如其言則臣之兄弟宜付之有司論其罪狀以為  
豪橫病民者之戒不宜以臣之忝在禁屬而有所曲  
護以累我 聖明平日之政也伏願 殿下亟命該  
府明覈得實毋使歸愆於 國家不勝幸甚  
荅曰省疏具悉卿懇今因疏辭詳知曲折矣於卿有  
何不安之事乎卿其安心焉

乞省掃疏



伏以臣有區區、崩迫之惘不能自抑茲敢不避猥  
越冒死仰陳臣之始祖墓在於慶尚道東萊府、  
代祖已上四代墳塋亦在於龍宮縣而道途更遠  
非數日往還之地身異外朝之人又無因公歷過  
之便曾未得一番展拜矣先臣致和嘗謂臣曰祖  
先有後孫帶犀頂玉而不得省祖先之墓則猶謂  
有子孫乎汝宜一往展掃未久而先臣患風痺閱  
數歲沉痾復謂臣曰吾病如此汝不可遠離唯他  
日是期耳臣泣而受之曾未幾何竟遭終天之慟  
而三年制畢則母年已高疾病連綿又未得久違

矣臣罪大惡極又遭母喪。制甫訖而犬馬之齒已  
迫六旬衰朽漸甚餘日無幾不以此時少伸禽鳥  
之情而溘先朝露則終為遺忘先志之歸死亦不  
得瞑目於泉下矣臣固知法外乞暇下去遠鄉其  
在分義有所不敢而言猶在耳至今情結茲不得  
不悉暴情悃仰瀆於 天地父母之前伏願 聖  
明俯察微臣由中之懇 特許數旬之暇使臣往  
來於龍宮東萊等地得以遵亡父之遺言俾後孫  
之夙願則幽明含感隕結為期臣無任云云  
荅曰首疏具悉卿懇其依疏辭安心往來焉仍



傳旨給由馬

待罪疏

辛酉五月

伏以臣心踈處冗性偏迂癖惟於碑碣搨刻之事著  
意嗜好雖當行路倉卒之時每以登陟撫玩為一賞  
心之資矣頃於四月望奠奉香翼陵之日適聞熙  
嬪墓山在於塞路倚近之處而有舊碣制度頗異刻  
畫亦妙遂於回路冒禁作行私心所牽未得回轡思  
之至今惶赧獲面自訟而已今伏聞有該司官因此  
事發覺至有拿命且有行查之舉臣於此尤不勝  
愧恐震悚不知寘身之所臣以秩高獻官既由禁路

而猶為陵卒之所不覺則微末庶官之前後潛行者  
安能一一摘發哉論以所犯臣實為首而一該官獨  
為就理尤有所報、於心者伏乞 聖慈下臣司敗  
與該官之在囚者一體勘罪千萬幸甚

荅曰省疏具悉卿無所嫌卿其安心勿待罪

### 陳私疏

伏以臣世受 國恩臣又忝儀賓爵此三事臣父某  
每戒臣曰吾家之竊位盛滿已極惶愧而汝又尚主  
吾心益懼食息靡寧儀賓無他報效之道唯當不與  
朝事守分知足而已臣常服膺耿々不忘平生自持



者只在於劬躬謹慎不敢有僣越之事臣命道奇險  
臣妻淑靜公主既歿於戊申只有一男終行婚娶不  
幸夭死今臣以叨忝禁廢不得再娶年未耄老而  
無更延嗣續之望人生斯世豈有如臣情事之酷甚  
者乎希望異數煩瀆天聰極知僭踰無所逃罪而  
痛迫之情終不能自抑猥將顯廟聖教及祖宗  
朝駙馬再娶事冒死仰籲於天地父母之前伏惟  
聖明哀憐而垂察焉臣於先朝蒙被恩渥出入  
私覲有異外人則邸報之外豈無耳目所睹記者乎  
癸丑秋明善公主之卒逝也顯廟以其駙馬孟萬

澤尉號仍存當否議于大臣大臣以曾子問取女有吉日而死如之何孔子曰壻齊衰而吊既葬而除之者獻議 顯廟下脩忘曰既定吉日而又設廳與只 有告期者尤有異焉爵號仍存可也又下脩忘曰新安尉孟萬澤爵號既已仍存新安尉及右承旨孟胄瑞使之入見喪事俄因禮曹稟 啓又下脩忘曰既存爵號則不當葬而除服以此分付舉行 聖心仍復惻然於駙馬之喪室無子而絕其後事擬令萬澤娶妻以至公主之祀至有駙馬之再娶自是我家事而非關朝廷得失之 教則 睿念之已決於九重



者蓋嘗如此而其時臺論以生前未成夫婦死後不可事  
其祀爭執閱月遣臣且申臺啓之意故終罷尉睢  
而先王累下歎惜之教於宮中曰明善與其不  
幸而短命寧沒於合卺之後則將使孟萬澤娶妻以  
主其祀而徑死於未成夫婦之前使臺臣有言終為  
無主之魂王音丁寧聖心益愴此則伏想聖  
明必有所記存宸聰者仰惟慈聖亦未之或忘也  
臣猥不敢一覩覩縷馬臣在當時則嗣續尚存固未  
嘗有意於再娶而伏聞聖教之至此臣與同時出  
入禁中之人私相語以為成湯之德及禽獸文王之

澤及朽骨蔑以加矣常以此耿々感祝矣臣冥頑不  
死至于今日凋喪若此而弓劒已遠呼籲莫及只自  
撫膺摧咽而已伏惟 殿下卽祔以來凡在 先朝  
之所擬行而未施者繼之述之無微不舉而臣之孤  
苦特為尤甚則豈無續承 先志矜育訖獨之道乎  
抑臣有所聞於先輩長老者班城尉姜子順即 文  
宗朝敬淑翁主駙馬而翁主早卒無後子順得旨繼  
娶其後 貞熹王后既悼翁主之早卒又傷他人之  
入室有變改前旨之 教而先正臣文成公李珥遺  
集中有所謂嵩善副正潏墓誌者其文曰公娶姜氏



寔班城尉姜子順繼室女也曰絀室不曰妾者其所  
以定名稱歸者可知也且世祖朝懿淑公主駙馬  
河城尉鄭顯祖喪公主於成宗大王丁酉而奉旨  
再娶日月已久矣其後以其後妻之車輿服飾侔擬  
公主得罪內間至今還叔賜第而財產田民屬之  
內司命中官掌之如今壽進宮之主齊安永昌墓  
者最後至宣祖朝復歸之仁城君珙第以主其香  
火而顯祖則當燕山政亂之日自以功高先朝尤  
肆奢縱故燕山惡其不遜既罪顯祖隸之驛役竟死  
謫所又以其子免為庶人逮中廟改王念顯祖之

勲勞

命官以禮改葬且

命司成臣張玉刻石紀

實其略曰公昵侍禁中任專喉舌出納惟允上之

剛定經國大典時公亦忝焉戊子上親策士公中

乙科駙馬登第從古未有人皆榮之睿宗即位之

初遂臣南怡伏誅策功二等封河城君己丑睿宗

昇遐國嗣未定貞熹王后欲立成廟宮壺之內

公獨周旋卒建大策賜一等功臣歸封府院君甲

子燕山以非罪貶于安岳七月以疾卒今上命官

禮葬于忠州先塋之側壬寅又命官移葬于楊州

价佐洞公主先卒無子公後娶穆清殿直李徵女云



至今墓碣宛然遺文尚傳其可以為證者與文成公  
李珣所者無異臣竊嘗以顯祖之事度之顯祖雖甚  
驕奢不法豈敢於未有聖旨之前有徑自求娶之  
事乎顯祖雖欲任情自遂李徵名門世閥也亦豈肯  
以女而妻之乎況且張玉即為婚於世祖朝王孫  
蓮城君潛者凡涉內間事尤當謹嚴而乃於承命  
撰進之文以公王先卒無子公後娶某女書之此其  
為許娶之證豈不尤彰明而較著乎然臣之所敢冒  
死而一陳之者只為伊時先王下教不啻懇有  
足以感動民庶者今此姜鄭二人之事又是餘外未

跡雖不以為證可也伏願 聖慈特加矜察體 顯  
廟遺音遵 祖宗故事許臣後娶使無子而有子已  
絕而復續得與羣生草木同被 聖化千萬幸甚臣  
私情切迫冒瀆 宸嚴臣罪萬死

荅曰省卿疏辭惻怛悲傷之懷有不能自己也 先  
王下教及所引姜鄭兩人之事不啻丁寧則亦是為  
再娶之明證也特許後娶之請俾續已絕之嗣卿其  
安心為

因錦川君䟽陳事䟽

己卯九月

伏以臣伏見錦川君楷為其嫡祖母柳氏上言訟寃



啓下吏曹而有曰柳氏父罪死之後柳氏只以奉祀  
興慶園之故雖降其夫人之號而仁祖待以弟妻  
孝廟呼以叔母至於大內禮遇之節亦無所降殺  
且以臣曾前出入宮禁之故至請問吏曹覆  
啓亦以為楮上言中為證者既無著出於章奏之事  
則有難以言語立證云臣名既入於奏御文字之  
中似當陳暴其事實而猥越不敢矣吏曹則以臣及  
東平君杭無文字之可證者故疑楮言之或出於流  
傳之訛疑待臣及杭露章而定其虛實臣若終始默  
然則非但使為先訟寃者不免為誣罔天聽之歸

亦非所以無隱勿欺之道敢以平日之所聞見者略  
陳事實以備 睿覽焉臣伏聞仁嬪神道碑文乃文  
忠公張維奉 仁祖大王命製進者而曰綾原君浦  
娶柳孝立女坐其父累奪封為妾而義昌君珖奉  
教書石也 仁祖大王御筆抹去改以浦娶柳氏女  
云此則臣聞於先輩老成宗班及儀賓而又見其印  
本者也 仁祖大王或值 玉候未寧厭進水刺則  
以柳氏善於造饌使之烹飪以入其調和五味堪為  
下箸於藥餌之餘故賞賜便蕃 仁廟之不以罪人  
女外之而親遇之者如此云此則公主王子中或有



及見伊時事實而傳說於後輩宗賓故臣亦得聞矣  
曾在丙申綾原之卒也 孝廟親臨喪次呼柳氏曰  
叔母而諄： 下教之際屢舉叔母之稱時麟坪大  
君以下諸公子儀賓入侍者無不親聽此則臣於其  
時未及忝儀賓之末雖未得入侍親聽而得聞於益  
平尉洪得箕青平尉沈益顯福寧君栴等者也乙巳  
年間柳氏有病 仁宣大妃特遣尚宮具氏問疾饋  
藥其家子弟不著公服乃以白衣迎送諸宗室儀賓  
責其失禮此則臣亦與焉故歲月雖久而今猶記得  
矣臣妻公主於丙午年產子未得乳婢而適有綾原

第婢新產者居在臣家門外故招而乳之矣 仁宣  
大妃聞而 下教于公主曰是他婢則或賞而乳之  
或贖而乳之則可也而不告其主留之家中則不可  
汝亟作書以請於綾原夫人而此夫人之為 先王  
尊屬同李判事室內書辭間須以敬謹下語為 教  
蓋慮年少婦人或不善措語於尊行有此戒飭也所  
教李判事室內即 孝廟之表姑韓氏而年高在世  
以時節迎入 宮中禮待厚餉公主之所親見故  
慈聖引而戒之如此柳氏之位號雖去 慈聖之猶  
稱夫人亦臣家親承 慈旨者也 大內禮遇之節



則臣之所聞見者如右而且於屢十年前綾原大君  
之子靈豐君溟對人輒稱其嫡母柳氏降其名號之  
寃曰當初降號只為奉祀 興慶園而 元廟祔  
太廟之後則朝家處分與初有異云先臣左議政致  
和聞而曰 朝家於孝立伏法之後不曰罪人女不  
宜仍配王子而只曰罪人女不可奉 大院君祀因  
削其夫人之號而大院君追崇入 廟之後則事與  
前有異溟之稱寃非誣云臣之聞於家庭者如此故  
敢此并陳焉此皆出於耳目之所覩記者而非敢為  
費辭為地自速誣罔之罪伏乞 聖照取進止

答曰省創具悉卿懇劄辭知道

赴燕時所懷疏 乙酉十月

伏以臣猥以無似冒忝專對之任而有區區所懷敢  
此仰陳前冬筭壇之事我國八方之人無不知之彼  
與西路卒隸輩面熟情親無所隱蔽安知其不即傳  
說也彼人所尚每以寬緩持大體為務雖或知之似  
無詰問之事而事幾之來有不可測者豈可無三思  
之道也彼倘或問之曰汝國為誰而筭壇行祭云爾  
則將以何辭而對乎愚臣淺慮竊以為筭壇之舉初  
不有之則已功役既訖 玉趾親臨事播遠邇終不



可諱而飾辭矯對冀掩耳目於不可掩之地則其為  
彼人所笑當如何哉聖人接物之道唯以忠信而已  
則終不若白直以對之為是也臣若不陳所見只請  
指揮則跡涉推諉 朝廷圖免異日一已之咎故茲  
敢附陳愚衷伏願 聖明詢問諸臣於引對之日講  
究所對之辭詳細指揮以為臨時依樣應答之地焉  
且譯舌輩在彼中所求文書及所探知事情者非宮  
禁秘密之事則乃藩鎮起兵官軍討賊等事也事既  
嚴秘且易驚擾而此外文書語言之間或有關係我  
國者則無論緊歇事又重大而使臣只憑譯舌之言

轉入於狀 聞中彼人之做虛與否我人之見欺輕重俱非使臣所能料度者而捨此路則他無憑問之路自今譯舌所得文書及言語之關係不輕者若不在于使臣所共覩之處則不許以口語來傳皆令渠輩手書其所得見所得聞之事列錄以陳而不解文字者則許以謗書代告既見其手跡然後始為謄聞則譯輩之真有見聞者宜無因此自沮之理庶或為他日憑考之資使臣亦可無錯認虛張之患而事係創始不可不稟經 睿裁且自前赴燕使臣在彼中修 啓也語及皇帝而雜書於措語之間無所斟酌



記其動止行事之際或不無嘲侮之語蓋以我國常  
懷帝秦之羞而 啓聞文書又非彼人所見故措語  
之間自致如此而近來途道之間使行文書屢為彼  
人所竊前日之無事實是萬一之幸此後無事又安  
可保也事或不幸至有辱及 國家之事則奉使之  
臣雖被萬戮何能贖其罪萬分之一哉以臣子存小  
恥使 國家受大辱自有輕重之別自今以後在彼  
中所修狀 啓中事涉皇帝之語則別書他行如咨  
文奏表之例又為婉轉下語則雖或為彼人所得可  
無辱 國之端而習俗已成一朝改之則人之見之

者不知慮患之意而必將羣起而駭之必須一經

睿裁後可行茲敢仰稟焉近來使行文書知製教

既不即撰出槐院館閣堂上之潤色點檢又在日期

臨迫之後以致忙忽急遽寫字官之心書每在於拜

表五六月之前至於秉燭夜書或有追送灣上之時

文書之差謬字畫之訛誤勢所必至近年以來以咨

奏表箋間文字被責於彼者非止一再而一字半辭

之誤下誤寫皆辱歸於國家嚮令前期日月從容

考校則想亦不至於大段錯了伏乞另加申飭前

期製寫俾無窘急之患不勝幸甚今此文書皆臣所



當奉去者不得不贅陳焉

荅曰省劄具悉第一件三件事當議處而第二件四件事依施焉

待罪疏 乙未九月

伏以臣得伏見叅覈使宋正明狀 啓脩陳查使所言而有曰皇帝必令諸重臣往審沿江兩國地界或置把守俾絕潛相犯越之患而上國地境或難遁道則間由朝鮮國界而切勿貽弊之意已於暢春苑諭及於冬至使臣本國亦必知之云云臣於此有不能晏然者茲敢悉陳其時事實焉今年正月二十二日

臣在北京因帝命進詣禮部則禮部以帝旨書問於  
臣等者只是渭原郡之與般厥所屬遠近及奉天所  
屬遠近島夢金丹豆島沙也此九味與大國金州地  
方遠近而已臣等隨問隨對已悉於狀聞中二十三  
日又因帝命進詣暢春苑則又以皇旨書問曰鴨綠  
江土門江皆係大國地方但因道路遙遠向來未經  
勘明今著朝鮮差官數員盛京將軍亦差官數員會  
同查勘分立邊界是否可行向朝鮮使臣訊問有奏  
云：是外更無他語臣等亦隨問隨對語在其時狀  
聞中矣至二月十二日提督通官等來到玉河館以



皇旨所書一紙示之其書曰差禮部能賢官一員差  
盛京官一員同朝鮮官一員欲合在鳳凰城或在我  
們交界或在朝鮮處界殺人之處詳察議奏云々皇  
旨止此而已此則載在禮曹咨文中矣臣等二月二  
十七日還到山海關因瀋陽將軍宋柱所懇先送醫  
官李時弼而令譯官金指南伴行通語臣等三月初  
八日到瀋陽則時弼指南迎謁以宋柱之所言於渠  
等者四件事告之其一屢易查官未乃以某差定  
事也其二查官當以某間到鳳城也其三皇帝軫念  
朝鮮分付差官等必令住在鳳城查得殺害人命處

之或係大國地方或係朝鮮地方明察啓劄而勿為  
過江貽弊朝鮮事也其四皇帝下旨查官等渭原事  
議劄之後徃白頭山而必從大國地方作行如或  
不得着足萬不得已自朝鮮地方過去慎勿令朝鮮  
吏供之事也清差徃白頭山之說至是日始發於宋  
柱之口臣等之在暢春苑時則審察渭源地界徃見  
白頭之事皆皇旨未下之前也彼豈有發言臣等亦  
安有所聞乎彼人所謂已於暢春苑諭冬至使臣之  
說益浪無據甚矣臣等於事之宜載於狀聞中者聞  
即構草見即構草未嘗拖過一時誠有帝旨使查官



從我境作行而偽諭於臣等則此是當為狀聞第一  
件大事也豈有遺忘落漏之理哉臣今因彼人妄言  
有所陳卞心實報而或恐他日不知伊時事實者  
認謂真有是事而不為狀聞使朝家有今日難處之  
事則臣雖被大何不足以贖其罪茲敢以事實次第  
仰煩 天聽以脩 睿覽焉

待罪疏

乙未九月

伏以臣得聞日昨筵話已不勝惶惧戰慄又伏見校  
理宋成明之疏辭意嚴正臣元不勝悚惕置身無所事  
同以 恩亦果常例人之驟聞而致訝其勢誠然茲

事既有委折臣安敢自隱於 聖明之前哉敢暴情  
實以彰臣罪焉臣早忝儀賓獲侍 孝廟天眷篤至  
迥出常例同時儀賓之勞被 恩渥者舉自早歿臣  
獨不死尚今在世銜 恩銘骨酬報無地少伸追慕  
之誠者只在於差祭 園陵而十餘年來精力衰謝  
陵寢又距京三日程或恐中路疾作致誤祀事不敢  
為求差祭官之計星霜荏苒死亡無日而犬馬之戀  
何嘗少弛于中也臣今將奉 命赴燕隅歲當還設  
令賴天之靈無事往返暮境筋力更何望復起為人  
也誠恐此生終不得一遂區區之願耿結之心尤萬



萬倍切而竊伏聞昔年麟平大君潛之赴燕也承  
命拜辭于長陵此則有不敢援擬於今日而唯是  
靈豐君溲以綾原大君子奉使赴燕路出長陵火  
巢之外孝廟使之拜辭于紅箭門之外竊想孝  
廟特用異禮於溲者似出於尊待綾原之意格外  
異恩固非人人之所可希倖而微忱懇迫愚不知裁  
妄謂或可引例欲待行期臨迫援據故事陳章稟載  
以此意試構疏草送示於海昌尉吳恭周又將就議  
老成諸宰庶詢可否爛漫熟講而或呈或否則此是  
私相質疑疏未脫藁而語先傳播以至於人心疑惑

公議峻發實非臣意慮之所及也臣誠驚怖罔知所措擬待物議將上請謹之章矣恭周陳疏以悉其曲折而聖批開釋明其實狀臣於聖教之下惶恐感激不覺涕淚之沾襟也臣年老心弱戀慕誠切妄擬故事全忘猥越如使臣初不有構草示人之事則人雖欲疑惑從何致之也萬被誅戮亦不足以贖其罪也伏乞聖明亟治臣罪以嚴邦憲以謝公議千萬幸甚

答曰省疏具悉卿懇昨於海昌尉疏批略示予意矣卿之援據故事欲一陳章元非不敢為之事何用引



答太過字安心勿待罪

辭司業提調疏 乙丑

伏以臣伏蒙 天恩叨忝禁脔榮樞一身養及老母  
自踵至頂無非 聖澤感激 洪私靡粉為期而性  
本庸闕兼且不學今甘守拙無他報效惟以差忒駭  
奔不閑 起居之班以自盡心而庶幾畢命聖世生  
而可幸無罪死而湮滅無傳將與草木同腐矣千萬  
夢寐之外 誤恩遽加除臣以司業提調之任臣誠  
驚惶不知所以為喻也該曹之舉臣名非不知臣之  
不如人而徒以 先朝駙馬臣獨在世故擬以政目

間而聖明不諒天監乃下臣之無似臣猶自知  
笑罵之來何待言知自前儀賓之提舉各司者雖或  
有之而苟非文章詞翰必其才諳知識可用於世而  
局於國制不得展布故授以一司使得自試其材固  
非如臣稚魯無識者之所當得也而且臣有區區私  
情不得不呼籲於天地父母之前矣臣之家世偏  
蒙國恩數百餘年之間父子兄弟迭居台鼎華銜  
膺仕世之不絕而臣先又入相府今一門之內帶犀  
者三人帶金者一人其他仕宦者亦且十餘人而表  
從諸人又居宰臣之列則臣家之盛滿極矣而臣之



先世恪謹守法終始一心故得免罪戾於前而逮至  
今日餘教漸衰而盛滿則過之自古及今未有履盛  
滿而善其終者雖損之又損猶恐其不免於灾何可  
以臣無狀復辱朝廷之名器而以益添一家之盛滿  
乎抱薪救火者正謂此也且臣兄才適是任而臣又  
代之此宣臣家兄弟輪環相授之任哉藉曰該司提  
調之任本非要務一除一授無甚關係云爾則千斤  
之重加銖兩而移者獨非古人之誤戒乎不特此也  
臣自從喪子以後雖外為寬抑而內自消鑠心神喪  
亂夜起彷徨自言自笑而居家處事率多驟妄之舉

其不至於狂奔大達者無幾尤何可冒撓取笑以辱  
官方乎在公家則有官不擇人之議在臣家則添一  
盛滿之惧伏乞 天地父母諒臣肝膈之至言察臣  
情勢之悶迫亟適臣司藥寺提調之任使臣退守私  
分無陷罪辜不勝大願

荅曰省疏具悉卿懇儀賓之兼帶諸司提調自是古  
例何用過辭安心勿辭從速察任

請鑄司藥寺提調印章劄

乙丑

伏以臣方待罪司藥寺提調本寺有不可不變通者  
設此仰陳焉諸司各具上下官印章而本寺則只有



郎官印一枚時或有 啓下文書則提調覆奏之際  
不得已取用下官印章非但等級無別事亦苟簡依  
他司例鑄成提調印章似不可已請令該曹 票旨  
鑄頒章甚臣敢效在庫言庫之義有所煩稟焉  
荅曰省創具悉創辭令該曹稟處焉

請繼後疏

伏以臣多生男子天而不育一子孝先長成既娶無  
子而死其妻又歿尚未立後言念後事悲感倍切修  
撰錫五即臣生父 之曾孫而臣之四寸孫也法  
當承序臣所患猝然危篤若不以此時請繼則將為

無後之鬼先臣祀事亦無可托之處不得不泣血哀  
籲於纊息未絕之前伏乞 聖明俯垂哀憐特許立  
後以示 聖朝繼絕之恩千萬幸甚臣病劇氣盡語  
不成說瞻望 宸極但有涕淚而已臣不勝嗚咽祈  
懇之至

荅曰省疏具悉疏辭令該曹稟處

乙未燕行時先文別錄各邑作廳私道

正使道旁付內宿所房舍平床待候為齊每於使行  
時必有所不知何許兩班入謁上使道曰吾親切於  
別使書狀道使之隨來故來到是如為遣往副使道



下處曰親切於上使道故隨來是如為遣往書狀道亦如是各官不敢賈問其虛實於使行勉強接待或有守令因此犯罪坐罷者是如乎上使道如或有不待已分付之事則當使陪行營吏招致本官衙前於案前親自分付以防此弊人或有自稱親切於正使道者是去等勿為信聽為齊

使行陪行之人例多假稱使道分付徵索某物於各官或使唆使令推投私人推奴徵債事多濫離是如乎雖是正使道行次所帶人所為是良置非正使道案前分付是去等勿為發差推投為跡雖一張紙一

把繩非正使道案前分付是去等勿為進排為齊曾  
前使行時負役中有假稱某使道分付使以某妓待  
候某處某房而或偽以分付作私通分付各官或於  
探候吏來待時假稱分付以言語差送多有濫雜之  
弊至有發露被罪於書狀道者是如乎今舊使行時  
如或有假稱正使道分付作如此事者勿為信聽事

### 致祭文

維歲次癸卯四月庚戌朔初四日癸丑

國王遣臣禮曹佐郎朴來羽 諭祭于平東平尉鄭  
成俞之靈惟靈粵我 孝廟有五館甥選極名門罔



英壽復如卿雅識令名楊家五公蟬聯弔珥文  
憲世而餘楨卿襲庭訓克彰家聲自在童牝已  
若老成操履既確器量亦宏風標軒偉瑟彼瑰瓊夙  
膺禁衛鳳蕭和鳴寧陵眷愛迥超諸平出入非偏  
沐浴恩榮便蕃寵錫溢篋充籛惟卿素性泊然無  
營脫畧紈綺宛一書生小心謹畏凜若執盈乃如之  
八百祿宜迎中歲悲歡滄桑幾更沁水春空西河淚  
傾萬念都灰一身孤乳偃仰容膝茅屋數楹凝塵不  
掃日親書檠朝章國典考據尤精人有賢起應如撞  
鐘國有大喪必相以卿屢管寺院威惠斯并四伏

燕節鈴東一行投之所回路熟車輕論其抱負廊廟  
可盛局而不用寔缺輿情閱歷四朝忠謹彌貞力  
疾庭班靡替厥誠殿歸在魯壽期齊彭云胡一疾  
奄隔幽明臨歿哀籲實沾予纓螟祝有孫仃慰九京  
時邁不傳祖戴戒程撫念平昔愴懷彌縈茲遣禮官  
用餞靈旌靈如不昧毋吐茲觥

李真儒  
製進

庚戌二月二十五日 寧陵幸行時遣通訓大夫行

戶曹心郎臣鄭錫蕃致祭于東平尉鄭載崙淑

靜公主墓自靈云亡歲過周甲俯仰今昔延悼曷及  
城下都尉葵同一域永念忠勤閔彼窀穸余謁先寢



廣陵墓在茲王感懷深增爰茲遣官聊奠菲薄  
不時者存柳儼幾來格製進

正宗己亥寧陵行幸後遣臣廣州府尹宋燠億

致祭于淑靜公主東平尉鄭之墓有媿淑靜聖祖  
鍾愛妙揀相門禁臠佳配蔡樓夜簫沁園春花無違  
夫子宜其室家謙恭簡約莊敬柔嘉脫畧綺紉動遵  
繩尺忠勤之操守以家則邈矣芳聲悅仰百年鬱彼  
佳城維廣之阡同一幽宅衣履攸藏輦路致酌先朝  
舊章今予謁陵又過茲鄉瞻言興懷愴悼難制鑒蹕  
簡辰遵禮爰命守臣聊奠泐酌靈其不昧歆此菲薄



知製教尹  
行元製進





